

KIMBENI YA SATANA TI KRISTO



- **Mpila ya Kununga na Zulu ya Bampeve Ya Mbi Ikele**
- **Sambila Mukusi, Satana, keti Bampeve ya Mbi Ata Mbala Mosi Ve**
- **Nzambi ta Singa Mvu ya Mvu Bantu Yonso Yina Baka “Kidimbu ya Mbisi ya Mbi” na Zulu ya Diboko to Ilungi na Bo Sambu Bo Lenda Sumba Keti Kuteka Bima**

Watson Goodman me sonika yai

Matabisi—Lenda Kuteka Ve

KIMBENI YA SATANA TI KRISTO

Ndinga ya Nzambi ke binga Satana “mfumu ya ntoto ya mvimba.” Yandi kele mbeni ya ntete ya Nzambi ti ya bantu Nzambi salaka. Beto bantu ikele na kati ya mvita ya ngolo. Mvita ikele na kati ya Kristo ti Satana. Beto fweti sola, na kati ya bo zole, nani ta vanda Mfumu na beto mvu ya mvu—KRISTO, Yina Kele Nzambi Ya Salaka Bima Yonso, to Satana, ya Kristo salaka. Satana kele mfumu ya benda kunwana yonso ti Nzambi. Kristo nungaka mpenza sambu na lufwa ti kutelema na Yandi, sambu na bantu yonso ya tula ntima na Yandi.

Satana meka bampila mingi sambu na kukusa bantu ti na kutwadiisa bo na mpila ya mbi. Bisambu kele mambu ya kuluta mfunu. KRISTO, yina salaka beto yonso, me lunga na kubaka bisambu yonso. Beto kuma bantu ya bayina beto samba. Na nsuka, Satana ke sosa na kusimba bantu na ntoto ya mvimba. Mambu yandi ke sosa, yo yai: (1) kubuya Nzambi, (2) kulemvuka bampeve ya mbi na yandi, (3) kusambila “Muntu ya Masumu,” (4) kusamba “kifwani” na yandi, ti (5) kubaka kidimbu na yandi na nitu sambu na kuteka to na kusumba. Keba na mambu yai yonso!

—Watson Goodman

NZAMBI SALAKA SATANA BONSO MBENI NA YANDI VE

*Nzambi Salaka Lucifer Sambu
Wanzio Yai Kubaka Kiyeka
Ya Nene Na Zulu*

. . . Mono Mfumu Nzambi ke tuba nde: Ntete nge vandaka muntu mosi ya mbote mpenza, nge vandaka mayele mingi ti kitoko mingi. Nge vandaka kuzinga na Edeni, kilanga ya Nzambi. Nge vandaka kulwata matadi ya ntalu ya mutindu na mutindu: rubi, diama, topaze, krisolite, oniksi, yaspe, safire, eskarbukle ti emerode; nge vandaka kulwata mpi bima ya wolo.

Bima yai yonso bo salaka yo na kilumbu ya nge butukaka. Mono tulaka wanzio mosi ke pesaka bantuboma sambu na kutalaka nge.

Nge vandaka kuzinga na zulu ya ngumba na mono Nzambi ti kutambula na kati ya matadi yina ke pela. Bifu na nge vandaka ya mbote katuka kilumbu ya bo salaka nge tii na kilumbu ya nge yantikaka kusala mbi.

Nzambi Katulaka Masumu

Kisalu na nge vandaka kusumba ti kuteka. Ebuna kisalu yai bendaka nge na kusala mambu ya

mbi ti masumu. Yo yina mono katulaka nge na zulu ya ngumba na mono. Wanzio yina vandaka kuta-

la nge, yandi katulaka nge na kati ya matadi yina ke pela.

—Ezechiel 28:12-16

INKI MAMBU BENDAKA LUCIFER NA KUSALA MASUMU?

Lulendo ke bwisaka muntu, yo ke fwaka mpi muntu.

—Proverbes 16:18

Nsuka ya Mbeni Yai

Nge kumaka lulendo mingi sambu na kitoko ti lukumu na nge, nge kumaka nkutu kusala mambu bonso muntu ya maladi ya kilau. Yo yina mono losaka nge na ntoto sambu bamfumu ya nkaka lenda tala nge.

Nge salaka mbi mingi ntangu nge vandaka kusumba ti kuteka bima, nge mosi bebisaka bisika na nge ya kusamba. Ebuna mono tulaka nge tiya, tiya yango yokaka bainzo ti bima na nge yonso. Bantu yonso yina ke tala nge ntangu yai, bo ke mona nde nge me kumaka kaka putulu ya tiya. Imene, nge me suka, nge me suka kimakulu; bantu yonso yina me za-

ba nge bo ke na boma nde bo mpi
ta bwa mutindu nge bwaka.

—Ezechiel 28:17-19

***Bima Yonso Ya Nzambi Salaka,
Bo Fweti Lemvuka na Muntu
Yina Salaka Bo***

Beno sadila Mfumu Nzambi na

kiese, beno yimbila na ntwala na
Yandi bankunga, beno vanda na
kiese. Beno kwikila nde Mfumu
Nzambi, Yandi kele Nzambi; Ya-
ndi muntu salaka beto, beto kele
bantu na Yandi, beto kele dikanda
na Yandi, mameme yina ya Yandi
ke taninaka. —Psaumes 100:2, 3

LUCIFER SONGAKA NDE, MONO KELE BUYA NZILA YA NZAMBI

Nge Lucifer nge mbwetete ya
suka, nge yai vandaka kupela ngo-
lo, nki mutindu bo me kula nge
kuna na zulu ti kubwisa nge awa
na ntoto?

***Yandi Natila Ntoto Yai Mambu
ya Kufwa***

Si nge muntu vandaka kubedisa
bantu ya nkaka, nki mutindu nge

me kwisa kubwa? Si nge vandaka kutuba nde: “Mono ta tombuka na zulu, mono ta tula kiti na mono ya kimfumu kuna na zulu ya bambwetete ya Nzambi.

Yandi Kele Mbi Mpenza
Mono ta yala na ndambu ya norde mpenza. Mono ta mata na zulu ya matuti, mono ta vanda kiteso mosi bonso Nzambi-Mpungu . . . !”
—Esaie 14:12-19

KANA MUNTU BUYA NZAMBI, TUBA NDE YANDI MENE KUDIFWA

Ntete Lucifer Kabanaka Ti Nzambi

(Tala mbala tanu nde Lucifer tubaka “Mono ata” na Esaie 14:13 ti 14 na dititi 3.)

Yandi nde: “Mono monaka Satana ke katuka na zulu, ke kwisa kubwa na ntoto bonso nzasi.”

—Luc 10:18

Ya Zole, Ndambu Ya Bawanzio Kabanaka ti Nzambi Mpi, ti Landaka Satana

. . . Nzambi bikisaka ve bawanzio yina salaka masumu, kansi yandi losaka bo yonso na bilungi; kuna bo me kangaka bo na minio-

lolo na kati ya mpimpa sambu na kuingila Kilumbu yina ya Nzambi ta sambisa bo. —2 Pierre 2:4

***Na Nima, Bantu Mpe Kabanaka
Ti Nzambi Sambu Satana
Kusaka Bo***

Muntu yina lenda vanda ve muntu ya mpa na kati ya Dibundu, kansi yandi fweti vanda muklisto ya ntama; kana ve yandi ta kuma muntu mosi ya lulendo, ebuna yandi ta baka ndola mosi bonso ndola yina ya Satana bakaka.

—1 Timothée 3:6

***Satana Bakaka Luyalu Na Zulu
Ya Bantu***

. . . kana konso mambu yina me nunga muntu, muntu yina me kuma mpika na yo. —2 Pierre 2:19

***Na Zulu, Luzolo Ya Nzambi Ta
Salama Kaka***

Beno landa bikalulu ya bantu ya ntangu yai ve, kansi beno pesa Nzambi nzila na kubalula mabanza na beno sambu beno kukuma mutindu ya nkaka mpenza. Ebuna beno ta zaba mambu yai ya Nzambi ke zolaka: mambu yina kele ya mbote, mambu yina ke pesaka yandi kiese, mpe mambu yina ke na kifu ve. —Rome 12:2

NZAMBI FWETI BAKA BISAMBU YONSO

Mono kele Mfumu Nzambi na nge yina katulaka nge na kimpika kuna na nsi ya Ezipte. Nge lenda samba nzambi ya nkaka ve, kaka Mono.
—Deutéronome 5:6, 7

Beno pesa zina ya Mfumu Nzambi lukumu, beno nata makabu, beno kwisa na yo na nzo na Yandi. Beno fukama na meso na Yandi na ntima mosi ya kitoko ti ya kinlongo.
—1 Chroniques 16:29

Yesu nde: “Katuka, Satana! Sambu bo sonikaka na Mukanda ya Nzambi nde: ‘Nge fweti samba Mfumu, Nzambi na nge. Kaka Yandi mpamba nge fweti samba!’ ”
—Matthieu 4:10

Mono fukamaka na makulu ya wanzio sambu na kusamba yandi, kansi yandi tubilaka mono nde: “Ve, kusamba mono ve! Kansi samba Nzambi! Sambu beto ti nge, ti bampangi na nge ya nkaka yina zaba mambu ya kieleka yina ya Yesu songaka, beto yonso ke sadilaka Mfumu mosi.”

—Kusonga 19:10a

Beno kwisa, beto nikisa ba-intu, beto fukama, beto kupesa lukumu na Mfumu Nzambi ya salaka beto.
—Psaumes 95:6

(Tala Genèse 1:27.)

**Bo Ya Satana Me Kusa, Bo
Samba Mbeni ya Nzambi**

...Bantu yonso yitukaka mi-
ngi, ebuna bo landaka yandi. Bo

yantikaka kusamba dragon, sa-
mbu yandi pesaka kiyeka na ya-
ndi na mbisi yina. Bo sambaka
mpe mbisi yina

—Kusonga 13:3, 4

SAMBILA BAMBENI YA NZAMBI VE!

**Satana ti Bampeve ya Mbi, Bo
Sosa Bisambu**

Ebuna Satana nataka Yesu na
zulu ya ngumba ya inda mpenza,
yandi songaka Yandi bimfumu
yonso ya insi-ntoto ti lukumu na
yo. Satana nde: “Yai yonso ya
Nge ke mona, mono ta pesa Nge
yo kana Nge fukama sambu na
kusamba mono.” —Matthieu 4:8, 9

Bantu yina yonso me bika, bayi-

na fwaka ve na bampasi yina, bo
losaka ve biteki yina ya bo salaka
na maboko na bo mosi. Bo bikisa-
ka ve na kusamba bampeve ya
mbi, ti biteki ya or, ya argent, ya
bronze, ya matadi, ti ya bainti. Bi-
teki yina ke monaka ve, ke waka
ve, ke tambulaka ve. —Kusonga 9:20

**Nzambi Ta Buya Bayina
Sambila Bo**

... bantu yina bakaka kidimbu

ya mbisi yina, mpe vandaka kusa-
mba kifwanisu na yandi, bo lwala-
ka bamputa ya imbi ti ya mpa-
si. . . . Ebuna Nzambi sambisaka
bantu yonso, konso muntu na ma-
mbu yina ya yandi salaka. Bo lo-
saka na kiziba ya nene ya tiya, lu-
fwa ti insi ya bantu ya kufwa. (Ki-

ziba yina ya tiya kele lufwa ya zo-
le.) —Kusonga 16:2 ti 20:13, 14

Mono muntu kele Mfumu Nza-
mbi, yo yina zina na mono! Luku-
mu na mono, mono ta pesa yo ve
na nzambi ya nkaka, ata na biteki
mpi ve. —Esaïe 42:8

BAWANZIO YA KRISTO TI BAWANZIO YA SATANA

*Ngolo Ya Bawanzio Ya Mfumu
Nzambi Luta Ngolo ya
Bawanzio Ya Satana*

Ntangu yai, bitumba bwaka na
kati ya zulu. Michel ti bawanzio
na yandi bo nwanaka ti dragon;
dragon ti bawanzio na yandi bo

nwanaka ti bo mpe. . . . nungaka
ve —Kusonga 12:7, 8

Beno pesa lukumu na Mfumu
Nzambi, beno bawanzio na Yandi,
beno bantu ya kikesa ke zitisaka
bansiku na Yandi.

—Psaumes 103:20

Bawanzio bo kele banani? Bo yonso kele bampeve yina ke sadilaka Nzambi, bayina ya Yandi ke tindaka sambu na kwenda kusadisa bantu yina ta guluka.

—Ba-Hébreu 1:14

Sambu Mfumu Nzambi ta tinda bawanzio na Yandi, sambu na kubumba nge na bisika yonso ya nge ta kwenda.

—Psaumes 91:11

Bawanzio Ya Me Bwaka Na Masumu (bampeve ya mbi) Sosa Ngolo Na Kunata Bantu Na Bilungi

Mpeve ya Nzambi ke tubaka mbote-mbote nde, na bilumbu ya nsuka, bantu mingi ta katula lukwikilu na bo; bo ta lemvuka na bampeve ya luvunu ti na malongi ya bampeve ya imbi.

—1 Timothée 4:1

SATANA MENGA MPENZA BANANI TI INKI?

Bantu—Sambu Nzambi Salaka Bo Na Kifwani Na Yandi

Ntangu mwana vandaka kwisakaka penepene na Yesu, mpeve yi-

na bwisaka yandi na ntoto, yo yina yandi yantikaka kukona. Kansi Yesu nganinaka mpeve yina, Yandi belulaka mwana, ebuna Ya-

ndi vutulaka mwana na tata na yandi. —Luc 9:42

***Bafami—Sambu Yo Kele
Lusakumunu ya Nzambi***

Bantu yina ta salaka nge mbote, mono mpi ta salaka bo mbote. Bayina ta salaka nge mbi, mono mpi ta salaka bo mbi. Sambu na nge, mono ta sakumuna bantu yonso ya nsi-ntoto. —Genèse 12:3

Kristo (Nzambi na Kinsuni na Beto), Sambu Mpulusu Ikele Na Kati Na Yandi Kibeni, Ti Na Menga Na Yandi

... Hérode ... vandaka na makasi mingi mpenza. Yandi tindaka

bantu na yandi na kwenda na bwala Betlehem ... sambu na kufwa bana yonso ya babakala, bayina ke na mvula zole, ti bayina me lungisa ntete mvula zole ve. Yandi salaka mutindu yina sambu yandi landaka mambu yina ya bantu yango tubilaka yandi ntangu bo songaka yandi na inki ntangu mbwetete monikaka.

—Matthieu 2:16

Ndinga Ya Nzambi, Sambu Satana Buya Yo

... Ibuna Nzambi muntu tubaka ...? Nioka kwisaka kutuba na nkento nde: “Luvunu! Beno ta fwa ve.” —Genèse 3:1 ti 4

***Israël, Sambu Nzambi
Solaka Bo***

Ntangu dragon monaka nde bo me losa yandi na ntoto, yandi yantikaka kwenda kulanda nkento yina butaka mwana-bakala.

—Kusonga 12:13

***Bakwikidi, Sambu Bo Me
Butama Ya Kimpeve***

... Sambu mbeni na beno Sata-na ke kwendaka kuzieta bonso ntambu yina ke dila; yandi ke sosa muntu ya kudia.

—1 Pierre 5:8

SATANA IKELE MUKUSI

***Yandi Kusa Na Mambu ya
Kidimbu ya Songa Beto Kele
Bantu Ya Nani***

Ata kima mosi ve ya Nzambi singaka ta bika na bwala yina. Kiti ya kimfumu ya Nzambi ti ya Mwana-dimeme yo ta vanda na bwala yina, mpi bantu yina ke sadilaka Nzambi bo ta sambaka ya-

ndi. Bo ta mona ilungi na Yandi, mpe bo ta sonika zina na Yandi na ilungi na bo. —Kusonga 22:3, 4 (Tala Kukusa Ya Satana na dititi 35.)

***Yandi Balula Nsangu ya
Mbote ti Luvunu***

Mono ke yituka nde beno ke bikisa nswalu muntu yina solaka

beno na luzolo ya mbote ya Kristo, ebuna beno ke landa nsangu ya nkaka ya mbote. Na kutuba ya mbote, nsangu ya nkaka ya mbote kele ve, kansi mono ke tuba mpidina sambu ke na bantu ya nkaka ke bwisa beno kisakasaka. Bo ke zola kusoba Nsangu ya Mbote ya Kristo. —Galatie 1:6, 7

***Yandi Kusa Bonso Basadi Na
Yandi Ke Sadila Nzambi***

Bantu yina bo kele bantumwa ya luvunu, bo ke kusaka bantu na kisalu na bo, mpe bo ke tubaka nde bo kele bantumwa ya Kristo, kansi bo kele bantumwa ya Kristo

ve. Yo kele mambu ya kuyituka ve, sambu Satana yandi mosi mpi lunga kukusa nde yandi kele wanzio yina ke nata ntemo.

—2 Korinte 11:13, 14

***Bimpa ya Nzambi to Bimpa ya
Luvunu***

2 Tes. 2:9; Kus. 13:13, 14; 19:20

***Kristo Ke Yala Kana Muntu
Sambila Yandi Ya Kieleka,
Kiteso Mosi Mpe Satana Ke
Yala Kana Bantu Sambila
Yandi To Bampeve Na Yandi***

Mfumu Nzambi, Nzambi na beto, bamfumu mingi vandaka kuyala beto —Esaie 26:13

KEBA NA MAMBU YA BITEKI

Bana na mono, beno tina biteki.

—1 Jean 5:21

Kusamba Nzambi ya nkaka ve, kaka Mono. Kusala ve biteki to bi-fwanisu ya bima yina kele kuna na zulu to awa na nsi-ntoto to na masa yina kele kuna na nsi ya ntoto. Kufukama ve na ntwala ya biteki sambu na kusambila yo. . . .

—Exode 20:3-5

*Banzambi Ya Nkaka Kele Mbi
Mpenza Na Meso Ya Nzambi.
Nzambi Buya Bankailu Ya Nitu
To Menga Ya Bantu*

Na ntoto ya beno ke kwenda kubotula, beno fwa-fwa bisika yonso ya bantu yina: . . . Kana Mfumu

Nzambi me fwa bantu yina imene, atasio! Beno lenda landa ve mutindu bo vandaka kusamba; . . . Beno kusamba ve Mfumu Nzambi na beno mutindu bo ke sambaka banza mbi na bo, sambu ntangu bo ke sambaka, bo ke salaka mambu ya mbi ti ya nsoni yina ya Mfumu Nzambi ke zolaka ve. Bo ke yokaka nkutu ata bana na bo na zulu na maziku na bo.

—Deutéronome 12:2, 30, 31

. . . Keti beno fweti pesa yandi bana na beto ya ntete makabu sambu na masumu ya beto me sala? Ikele ve!

—Michée 6:7

*Menga ya Yesu Lunga Katula
Masumu!*

BISAMBU YA BITEKI

Bisambu Ya Biteki Kele Mambu Ya Buzoba

Mfumu Nzambi na beto kele na zulu, Yandi ke salaka mambu yonso ya Yandi kuzola. Kansi biteki na bo yo kele kaka bibende, bo mosi bantu salaka yo. Yo kele na meso, kansi yo ke monaka ve; yo kele na makutu, kansi yo ke waka ve. Yo kele na munoko, kansi yo ke tubaka ve; yo kele na mbombo, kansi yo ke waka nsudi ve. Yo kele na maboko, kansi yo ke simbaka ve; yo kele na makulu, kansi yo ke tambulaka ve; ata mungungu na yo, yo ke wakanaka ve. Bantu yina salaka yo, bo kele kiteso mo-

si na yo, ti bayina ke tulaka ntima na yo. —Psaumes 115:3-8

Bisambu Ya Biteki Kele Bisambu Ya Satana

... beno samba biteki ve. ...Ve! Mono ke zola songa kaka nde, madia yina ya bampani me pesa makabu na diziku na bo, bo me pesa yo makabu na bampeve ya mbi, kansi na Nzambi ve. Ebuna mono zola ve nde beno vukana na bampeve ya mbi.

—1 Korinte 10:14 ti 20

Ndola Ikele Sambu Na Bisambu Ya Biteki

“... bantu yina ke sambaka bi-

teki, . . . kisika na bo ta vanda na
kiziba ya nene yina ke pelaka tiya

ti sufre; yina kele lufwa ya zole.”
—Kusonga 21:8

NZAMBI MENGA BISAMBU YA BITEKI (SATANA)

*Nzambi Fwaka Bainsi Ya
Mvimba Sambu Bo Sambilaka
Biteki—Bika Biteki
Kota Ve Na Nzo Na Nge!*

Beno yoka biteki na bo. Beno yuma ntima ve na arzan to or na bo, beno lenda baka yo ve. Kana beno sala mpidina, beno ta fwa sambu Mfumu Nzambi ke zolaka biteki ve. Beno nata ata kiteki mosi ve na bainzo na beno, kana ve beno ta baka ndola mutindu mosi ti bantu yai. . . . —Deutéronome 7:25-26

Bantu mingi na kati ya nsi Nzambi solaka, bo me fulukaka na bampeve ya mbi ntangu Kristo vandaka na kusala. Sambu na inki? Sambu bambuta na bo sambilaka bampeve ya mbi!

Bo sadilaka biteki ya banzambi na bo; yo yina bo me kubaka ndola. Bo me kupesa na biteki yina bana na bo ya babakala ti ya bankento; bo me pesa yo bonso makabu na bampeve ya mbi. Ibuna Mfumu Nzambi me kuwa makasi na bantu na Yandi, Yandi me buya

bantu yina vandaka bantu na Yandi mpenza.

—Psaumes 106:36, 37 ti 40

Kufukama ve na ntwala ya biteki sambu na kusambila yo, sambu mono Mfumu Nzambi, Nzambi na

nge, mono kele Nzambi mosi ya zwa, mono ke ndimaka banzambi ya nkaka ve. Bantu yina ke zolaka mono ve, mono ta pesa bo ndola ti bana na bo ti batekolo na bo ti bana ya batekolo na bo. —Exode 20:5

MAMBU YONSO YA KINDOKI YO IKELE MASUMU

Konso muntu ya sala kindoki, bo fweti fwa yandi. —Exode 22:18

Mono ta fwa-fwa bandoki yonso ti makunzi ya matadi ya beno ke sambilaka; beno ta sosa kuzaba makambu ve na bo yonso ya sosa na kuzaba yo ve na munoko na Mono. —Michée 5:12

Kubuya ndinga ya Nzambi, yo kele bonso disumu ya kindoki, kubuya kulanda bansiku ya Mfumu Nzambi, yo kele bonso kupesa lukumu na banzambi ya biteki. Bonso nge me buya ndinga ya Mfumu Nzambi, Yandi mpi me buya nge. Nge kele diaka mfumu ve.

—1 Samuel 15:23

Ntangu beno ta kuma na ntoto ya Mfumu Nzambi na beno ke pesa beno, beno landa ve mambu ya mbi ti ya nsoni ya bantu yina ke salaka kuna. Beno yoka bana na beno ve na zulu ya maziku na beno sambu na kupesa makabu; beno bika bantu ngombo, to bantu yina ke tubaka mambu ke kwisa na ntwala, to bandoki, to banga-nga-nkisi, to bantu yina ke kwe-

ndaka kuyula mambu na bantu yina me fwaka. Mfumu Nzambi na beno ke zolaka ve bantu yina ke salaka mambu ya mutindu yai; yo yina Yandi ke kula bantu ya ntoto yina na ntwala na beno.

—Deutéronome 18:9-12

Ngombo: Kusosa na kuzaba mambu ya kinsweki, to na kusonga bima ya fweti kwisa na nzila ya masolula ti bafwa.

KUSONGA INKI TA KWISA NA LUSADUSU YA BAMPEVE YA MBI

*Nzambi Buya Astrologie,
Ngombo, Nkisi, Mambu Ya
Kindoki Yonso*

Beno dia ve mbisi ti menga. Benno sadila kindoki ve na kuzaba mambu, beno sadila yo ve ata fio-

ti. Beno tula ve banzoloko na nitu na beno; beno zenga-zenga nitu na beno ve sambu na kudila muntu me fwa. Mono kele Mfumu Nzambi. —Levitique 19:26 ti 28

Beno wila ve mitubi na beno, to bantu yina ke tubaka nde bo lenda zabisa mambu yina ke kwisa na ntwala, to banganga-ngombo, to bantu yina ke kwendaka kuyula mambu na badiabulu, to bando-ki. . . . —Jeremie 27:9

. . . Mono ta kwisa na kati na beno sambu na kusambisa beno. Mono ta funda bayina yonso ke tinka mono ve, banganga-ngombo, bayina ke sambilaka biteki, ti ba-

ntu ke zengaka Nzambi ya luvunu. . . . —Malachie 3:5

Bantu ke kwendaka kuyula biteki ti banganga-ngombo, kansi bo ke bakaka bamvutu ya mpamba ti ya luvunu. Bantu yina ke tendulaka bandosi ke nataka bantu na banzila ya mbi; kikesa ya bo ke pesaka bantu kele ya mpamba. Yo yina bantu me kumaka kuyunana bonso mameme me vila; bo ke na mpasi sambu bo ke na muntu ya kunata bo ve. —Zacharie 10:2

Kindoki: Kusosa na kusala muntu mbi na ngolo ya bampeve ya mbi.

Kindoki: Bimpa ya bantu sala na lusa-dusu ya bampeve ya mbi.

BUYA MPENZA BAMPILA YONSO YA NGOMBO TI KINDOKI

Na Kusadila Bampeve Ya Bafwa

Kana bantu kusonga beno na kwenda kuyula banganga-ngombo, bayina ke tuba-tuba ti kuyimba-yimba ntangu bo ke zabisa mambu yina ke kwisa na ntwala, beno tuba nde: “Bantu ta wa kaka malongi ya Mfumu Nzambi ke pesa bo! . . .” —Esaie 8:19

Yandi nde: “Nge mbele ya makasi, zenga ndambu na ndambu. Zenga konso ndambu ya nge ke baluka.” —Ezechiel 21:21

Na Kusadila Konso Kima
Bo ke yulaka bitini ya banti na

kusonga bo makambu, kitini ya nti ke longa bo! Bo me bikisaka Mono; bo me kudipesaka na bantzambi ya nkaka mutindu nkento ya makwela me kuma nkento ya ndumba. —Osée 4:12

Ndola Ikele Sambu Na Ngombo

Saul kufwaka sambu yandi lemfukaka ve na Mfumu Nzambi. Yandi buyaka na kulanda bansiku na Yandi, yandi kwendaka mpi kuyula badiabulu, kansi yandi yulaka ve Mfumu Nzambi mambu yina . . . —1 Chroniques 10:13, 14

Bantu yina ke tubaka mambu yina ke kwisa na ntwala, nsoni ta

simba bo sambu mambu yango ta bwa ve; banganga-ngombo ta kuma kisakasaka sambu na nsoni.

Bo yonso ta fika minoko na bo sambu Nzambi ke pesa bo ve yina ya bo ke sosa. —Michée 3:7

SATANA KELE MFUMU YA NTOTO YA MVIMBA —INKI MUTINDU YANDI SALA

Bampani Landa Bambwetete Na Luzingu Na Bo

Mfumu Nzambi ke tuba nde: “Beno landa ve banzila ya bantu ya nkaka; bidimbu ya beno ke mona na zulu na beno, tina yo boma ve, ata bantu ya nkaka ke tina yo boma.” —Jérémie 10:2

Tula ntima ve na ngombo, to bansinga, to nkisi na kunata mambu ya mboite, to na kukula mambu ya mpasi. Kudipesa ve na misiki ya mbi to kukina ya

mbi to bafoto ya mbi. “Mono lenda tula me-so na mono na ntwala ya mambu ya mbi ve.” —Psaumes 101:3. Buya lulendo, luvunu, ti bisambu ya mpamba.

“Mawa na beno, . . . Beno kele bantu ya luvunu! Beno me fwana na maziama yina ya bo me pakulaka mpemba; na nganda yo ke monikaka ya kitoko, kansi na kati yo me fulukaka na mikwa ya bantu yina me fwaka ti bima mingi ya kupola.” —Matthieu 23:27

Mambu Ya Kudifwa Yo Katuka Na Satana

Kwikila luvunu ya Satana ve. Kudifwa ta katula ve mambu to mpasi ya masumu! “Kufwa muntu ve.” (Exode 20:13.)

Kaka Kristo Katula Mpasi ya Masumu

(Tala dituti 48 ti 49.)

Mfumu Nzambi me songa ngolo na Yandi yonso sambu na mono; Yandi muntu me gulusa mono, Yandi muntu kele Nzambi na mono, yo yina mono ke zola kukumisa Yandi. Yandi kele Nzambi ya tata na mono, yo yina mono ke zola kukumisa Yandi na bankunga.

—Exode 15:2

KEBA SAMBU NA YINA SATANA TA SONGA

Na Nzila Ya Bamitubi Ya Luvunu

Kansi Mfumu Nzambi nde: “Mitubi ke tuba luvunu na zina na mono; mono ve muntu tindaka bo, mono tubaka na bo mpi kima

ve. Mambu ya bo ke tubila nge kele kaka mambu ya bo mosi monaka bonso na ndosi, ndosi mosi ya luvunu, kansi yo katukaka na mono ve; yo kele mambu ya mpamba ti ya luvunu ya bo yindulaka bo mosi.”

—Jérémie 14:14

Na Nzila Ya Kusolula ti Bafwa

Na kimpeve, Mfumu Davidi tubaka yai sambu na mwana na yandi, “Kansi ntangu yai bonso yandi me kufwa, yandi me kwenda, kansi yandi ta vutuka diaka kwaku na mono ve.”

—2 Samuel 12:23

Tuba na bampeve ya mbi ve. Tuba na bo kaka na kusonga bo nde, “basika!” na zina ya Yesu. Tula ntima ve na ba-

mpila yonso ya ngombo to kindoki to bankisi ya mambu yina.

Katula Biteki ti Bima Yonso Ya Satana

Bantu mingi yina vandaka kusala kindoki, bo nataka mikanda na bo, bo tulaka yo kisika mosi, ebuna bo yokaka yo na meso ya bantu yonso —Bisalu 19:19
(Tanga Kuyantika 35:2-5.)

KRISTO SALAKA MAMBU YA BAKALA TI NKENTO—SATANA KE BALULA YO KONSO NTANGU NA MPILA YA MBI

***Kukangama Na Nitu Kele
Mambu Ya Makwela Kaka***

Na mpangi yina ya yandi katulaka na muntu, Yandi salaka nke-

nto, ibuna Yandi kwisaka kunata nkento na muntu . . . Yo yina bakala ta bikisa tata na yandi ti mama na yandi, yandi ta kwenda kuvukana na nkento na yandi, ibuna bo yole bo ta kuma muntu mosi.

—Genèse 2:22 ti 24

Bika bantu yonso kuzitisa makwela; konso muntu yina me kwela yandi fweti zinga kaka na muntu yina ya yandi me kwela na yandi, ata nkento, ata bakala. Nzambi ta pesa ndola na bantu yina ke salaka pite, ata na bayina me kwelaka, ata na bayina me kwelaka ve.

—Ba-Hébreu 13:4

Beno fweti zaba nde ata muntu mosi ve lenda kota na Kimfumu

ya Kristo ti ya Nzambi kana yandi ke salaka pite to mambu ya nsoni

—Efeze 5:5

Sambu na beno bakristo yina me kwelaka, mono ke pesa beno nsiku yai; yo kele nsiku na mono ve, kansi nsiku ya Mfumu Yesu: nkento ya makwela lenda bikisa bakala na yandi ve. Kana yandi me sala mpidina yandi lenda kwenda kukwela na bakala ya nkaka ve, kansi, kana yandi zola, yandi lenda vutukila bakala na yandi diaka; bakala mpe lenda fwa dibala ti nkento na yandi ve.

—1 Korinte 7:10, 11

(Tala Rome 7:2, Marc 10:9.)

**Satana Benda Bantu Na
Kulemvuka Ve**

Muntu yina ke salaka kaka masumu, yandi kele muntu ya Satana, sambu katuka na luyantiku, Satana ke salaka masumu. . . .

—1 Jean 3:8

**Nge Kele Muntu Ya Konso Nani
Nge Lemvuka**

Beno fweti zaba mbote nde kana beno me kwenda kusadila mfumu mosi, beno me ndima na kulemvuka na yandi; mpidina beno me kuma bampika ya mfumu yina ya beno ke lemvukila. . . . —Rome 6:16

**KUSALA PITE TO BIZUMBA KELE BONSO
NA KUBUYA NZAMBI**

Kulala na nkento ya nkaka ve.
—Exode 20:14

Kana muntu kulala na nkento ya ngani, yandi ti nkento bo yonso zole bo fweti fwa bo.

—Levitique 20:10

Disumu Yai Zitisa Nitu Ve

. . . Nitu ya muntu kele ve sambu na kusala pite, kansi yo kele sambu na Mfumu Yesu; ibuna Mfumu Yesu kele sambu na nitu. . . . Beno zaba nde nitu na beno kele ndambu ya nitu ya Kristo. . . .

Beno sala pite ve. Masumu ya nkaka ya muntu ke salaka, yo ke bebisaka nitu na yandi ve, kansi muntu yina ke salaka pite, yandi ke salaka masumu yina ke sumunaka nitu na yandi mosi.

—1 Korinte 6:13, 15 ti 18

***Bibuti Fweti Keba Bana Na
Mambu Ya Masumu Yai***

LUFWA YA KRISTO ME NUNGA NA ZULU YA SATANA

Bantu yonso ke fwaka sambu bo me vukanaka na Adam; mutindu mosi mpe, bantu yina yonso me vukanaka na Kristo, Nzambi ta vutudila bo moyo. —1 Korinte 15:22

Kutinda mwana na nge ya nkeno ve na kwenda kusala kindumba, mbaimbai ntoto yonso ta beba na kindumba ti na mambu ya mbi. —Levitique 19:29

Pite: Kukangama na nitu na ntwala muntu me bala.

Bizumba: Kukangama na nitu na nima muntu me bala, ti muntu ya kele nkento to bakala na yandi ve.

fwa na Yandi, Yandi fwa Satana yina ke na kiyeka ya lufwa. Yandi kitukaka muntu mpe sambu na kukatula bantu yonso yina vandaka bonso bampika na luzingu na bo yonso, sambu bo vandaka na boma sambu na lufwa.

—Ba-Hébreu 2:14, 15

... Mwana-Nzambi kwisaka awa na insi-ntoto sambu na kufwa bisalu yina ya Satana ke salaka.

—1 Jean 3:8

Beto Lenda Zinga Mvu ya Mvu na Kati Ya Kristo

Nzambi muntu gulusaka beto, Yandi mpe muntu solaka beto na

kuvanda bantu na Yandi. Yandi salaka mpidina ve sambu na mambu yina ya beto salaka, kansi sambu na mambu yina ya Yandi yidikaka na ntwala mpe sambu na luzolo na Yandi ya mbote. Yandi pesaka beto na ntwala luzolo yina ya mbote na Kristo Yesu, ntangu Yandi vandaka me sala bima yonso ntete ve. Kansi Yandi me songa beto yo ntangu yai ya Mfumu na beto Kristo Yesu me kwisa awa na insi-ntoto. Sambu Kristo sukisaka ngolo ya lufwa; mpe, sambu na Nsangu ya Mbote, Yandi me songaka bantu moyo ya mvula na mvula.

—2 Timothée 1:9, 10

KUNUNGA YA BAKRISTO NA ZULU YA SATANA

Beno lwata binwaninu yonso ya Nzambi ke pesaka beno; mpidina mayele ya Satana ta zaba kubedi-sa beno ve. Sambu beto ke nwanaka ti bantu ve, kansi beto ke nwanaka ti bawanzio yina ke na kiyeka ya kuyala bantu, ti bampeve yina ke yalaka insi yai ya mpi-mpa, mpe ti bampeve ya imbi yina kele na zulu. . . . Yo yina, beno vanda ya kuyilama: beno lwata mambu ya kieleka mutindu beno ke lwataka mukaba na luketo na beno; beno lwata mambu ya mbote mutindu beno ke lwataka kinkuti ya bibende na ntulu na beno; beno lwata Nsangu ya Mbote ya nge-

mba mutindu beno ke lwataka basampatu na makulu na beno. Ntangu yonso, beno nata lukwikilu na beno mutindu beno ke nataka ki-ma yina ke taninaka beno na batolotolo ya bambeni; sambu na lukwikilu yina, beno lenda mona mpila ya kufwa tiya ya batolotolo yina ya Muntu ya Mbi ke losaka. Beno ndima na kuguluka mutindu beno ke ndimaka na kulwata impu ya bibende; beno nata mambu yina ya Nzambi ke tubaka mutindu beno ke nataka mbele yina ya Mpeve ya Nzambi ke pesaka beno. Beno samba Nzambi na bisambu ya mutindu na mutindu, sambu Yandi kusadisa beno. Beno

samba Yandi ntangu yonso
—Efeze 6:11-18

Yo yina beno lemvuka na Nzambi; beno vanda bambeni ya Satana, ibuna yandi ta tina beno, yandi ta kwenda ntama.—Jacques 4:7

“... Sambu mbeni na beno Satana ke kwendaka kuzieta bonso ntambu yina ke dila; yandi ke sosa muntu ya kudia. Beno vanda

na lukwikilu ya ngolo, beno vanda bambeni ya Satana
—1 Pierre 5:8, 9

... sambu Mpeve yina kele na ntima na beno, Yandi (Kristo) kele ngolo kuluta bampeve yina kele na bantu ya nkaka awa na insintoto (Satana).
—1 Jean 4:4

Sambu na inki Satana katuka? Sambu Kristo kele na kati na nge!

KIYEKA YA KRISTO

Yandi Kele Munoko Ya Nzambi

... Nzambi... na bilumbu yai ya nsuka, Mwana na Yandi muntu kwisaka kutubila beto mambu yina katukaka na Tata na yandi. Nzambi salaka bima yonso

ti mambu yonso na lusadusu ya Mwana na Yandi yina. Mpe Nzambi solaka Yandi na kubaka bima yonso ti mambu yonso na kilumbu ya nsuka. —Ba-Hébreu 1:1, 2

Bantu vandaka kuyituka ngolo

sambu na mutindu Yandi vandaka kulonga, sambu Yandi vandaka kulonga ve bonso balongi ya Bansiku, kansi yandi vandaka kulonga ti kiyeka. —Marc 1:22

Yandi me pesaka Yandi mpe kiyeka ya kusambisa bantu, sambu yandi kele Mwana-muntu. —Jean 5:27

Sambu Kristo fwaka, mpi yandi telamaka na lufwa sambu na kuvanda Mfumu ya bantu yina

me fwaka, mpi Mfumu ya bantu yina ke zinga. —Rome 14:9

Yesu Kristo me kwendaka na zulu, mpe yandi me kwendaka kuvanda na diboko ya kibakala ya Nzambi; kuna Yandi ke yalaka bawanzio ti bamfumu ya nkaka na zulu. —1 Pierre 3:22

Yesu kwisaka penepene na bo, ibuna Yandi tubilaka bo nde: “Nzambi me pesaka mono kiyeka yonso na zulu ti awa na insintoto.” —Matthieu 28:18

KRISTO TUBA TI SALA NA KIYEKA

Yesu telamaka na mpongi. Ebu-na yandi songaka mupepe ti masa

na ngolo nde: “Bika makelele! Vanda pima!” Mupepe manaka,

ibuna ndambu yonso yina kumakanie.
—Marc 4:39

Yandi Belulaka Bantu Na Kiyeka

“Kansi mono zola nde beno zaba nde, Mwana-muntu ke na kiyeka ya kubikisila muntu ya masumu awa na insi-ntoto.” Ntangu yai, yandi tubilaka kikata mambu yai: “Mono ke tubila nge nde: telama kwa nge, baka mbeto na nge, ibuna vutuka na inzo na nge!” Kaka na ntangu yo yina ya bantu vandaka ke tala Yandi, Yandi telamaka, Yandi bakaka mbeto na yandi, ibuna Yandi kwendaka. Yo yina, bantu yonso yitukaka . . .

—Marc 2:10-12

Kristo Katula Bampeve Ya Mbi

Ntangu yai, mpeve yina nikisaka muntu yango ngolo, yo tubaka na ndinga ya ngolo, ebuna yo basikaka na yandi. Bantu yonso yitukaka. Yo yina, bo tulaka ntembe nde: “Inki mambu yai? Muntu yai ke longa malongi ya mpa na kiyeka! Yandi ke tinda mpi ata bampeve ya mbi, ibuna bo ke wila yandi!”

—Marc 1:26, 27

Tedimisaka Bafwa Na Kiyeka

. . . Yesu nde: “Mpangi na mono, mono ke tubila nge: telama kwa nge!” Muntu yango telamaka na sanduku na yandi, mpe yandi yantikaka kutuba . . .

—Luc 7:14, 15

KRISTO PESA BALANDI NA YANDI KIYEKA TI NGOLO NA ZULU YA NGOLO YONSO YA MBENI YA NZAMBI

Beno wa! Mono me pesaka beno kiyeka ya kuniata banioka ti bankutu, mpe kiyeka ya kufwa ngolo yonso ya Mbeni, mpidina ata kima mosi ve lenda sala beno mbi.

—Luc 10:19

Yesu bingaka balonguki na yandi kumi na zole. Yandi pesaka bo ngolo ti kiyeka ya kubasisa bampeve yonso ya mbi, mpe ya kubelula bantu ya maladi. —Luc 9:1

Yesu nde: “Mono ke tubila beno mambu ya kieleka: kana nge ke tula ntima na Nzambi, nge lenda tuba na ngumba yai nde: ‘Katuka

pana, kwenda kubwa na masa ya nene.’ Kana nge ke na ntima zole ve, kansi nge ke kwikila nde, mambu ya nge ke tuba ta salama kaka, yo ta salama kaka.”

—Marc 11:22, 23

Yesu nde: “Nge me tuba: ‘Kana nge lunga.’ Mambu yonso kele mpasi ve na muntu yina ke kwikilaka.”

—Marc 9:23

Mpe sambu beno kuzaba nde yandi ke salaka ngolo mingi mpenza sambu na beto bakristo. Ngolo yina kele ngolo ya nene yina ya Yandi Nzambi sadilaka. —Efeze 1:19

INKI MUTINDU NA KUKATULA BAMPEVE YA MBI

Songa Bo Na Kubasika Na Zina Ya Yesu

(Yandi tubaka mutindu yina sambu Yesu vandaka kutubila yandi nde: “Mpeve ya mbi, basika na muntu yai!”) Ibuna Yesu nde: “Zina na nge nani?” Yandi nde: “Zina na mono ‘Ndonga ya nene’, sambu beto kele mingi.” ... Ibuna bampeve ya mbi basikaka na muntu yango, yandi kwendaka kukota na bangulu. ...

—Marc 5:8, 9 ti 13

... Yesu ... nganinaka mpeve ya mbi nde: “Nge mpeve yai me kumisaka mwana yai baba, mpe me fwaka makutu na yandi, mono

ke songa nge nde: basika na mwana yai, nge lenda kwisa kuvutuka diaka na yandi ve!” Ntangu yai, mpeve tulaka ndinga ya ngolo, yo nikisaka yandi na ngolo, ibuna yo basikaka. Mwana kumaka bonso muntu ya kufwa. Yo yina, bantu mingi vandaka kutuba nde: “Yandi me fwa.” Kansi Yesu simbaka yandi na diboko, yandi tedimiska yandi, ibuna mwana telamaka. Yandi nde: “Na kubasisa mpeve ya mutindu yina nge lenda sala kima ya nkaka ve, kansi nge fweti samba kaka Nzambi.”

—Marc 9:25-27 ti 29

... Paul balukaka, ibuna yandi tubilaka mpeve nde: “Mono ke so-

nga nge na zina ya Yesu Kristo nde, basika na yandi!" Kaka na ntangu yo yina, mpeve basikaka.

—Bisalu 16:18

Yesu songaka mpeve yina na ngolo nde: "Vanda pima! Basika

na muntu yai!" Mpeve ya mbi bwisaka muntu yina na ntoto, na meso ya bantu yonso. Ibuna yo basikaka na yandi kukonda kusa-la yandi ata mambu mosi ya mbi.

—Luc 4:35

ZINA YA NENE YA YESU KRISTO

Yo yina, Nzambi tombulaka yandi na kati ya zulu mpenza, Ibuna Yandi pesaka Yandi zina mosi ya kuluta bazina yonso na mfunu; Mpidina, kana bo tuba zina ya Yesu, Bantu yonso yina . . . Bo ta fu-

kama na mabolongo na bo.

—Filipe 2:9, 10

Ibuna Mono ta sala mambu yonso yina ya beno ta lomba na zina na Mono, sambu lukumu ya Tata kumonika na Mwana. —Jean 14:13

Na nima mono vutukaka na Afrik ti nkento ti bana na mono sambu na kusadila Kristo, mono telemaka na mpimpa. Mpeve mosi ya mbi vandaka na zulu na mono. Mono pusaka dibolongo na mono na yandi sambu na kuzaba kana yandi vandaka ya kieleka. Nswalu, yandi pusaka dibolongo na mono na nima na ngolo yonso. Yan-

di sosaka nkingu na mono sambu na kufwa mono. Ntangu lungaka na kutuba kaka bandinga tatu nde, “Yesu, sadisa mono!” Kaka ntangu yina, yandi basikaka mpenza. Yandi me vutuka ata mbala mosi ve, ata mono me zinga bamvula 28 na nima ya lumbu yina. Ngolo ya yituka ikele na zina ya Yesu Kristo, ngolo na zulu ya Satana ti bampeve ya mbi yonso! Binga zina ya Yesu Kristo sambu na mpulusu ti lusadusu (Rome 10:13).

Nkento mosi songaka nkento na mono ti mono nde, bu yandi vandaka mwana ya nzo-nkanda, bakala mosi tambulaka ti yandi penepene na sika nde batrain tambula. Bakala yina, yandi sosaka kufwa yandi, na mpila nde bantu ta banza nde train me fwaka yandi. Yandi songaka bakala yina na kubika mambu yina, na zina ya Yesu Kristo. Ebuna bakala yina, yandi vandaka na ngolo diaka ve na zulu ya nkento yina. Na ngolo ya Yesu kaka, nkento yina songaka bakala yina nde yandi fweti kutambula na ntwala na yandi, tii ntangu bo vutukaka na nzo-nkanda.

Nkento ya nkaka songaka beto nde, bonso zoba, na ntangu ya kileki na yandi, yandi ndimaka na kusala fête. Na kati na yo, bantu sosaka na mpila na mpila na kuza-ba inki ta landa na ntangu ke kwisa na moyo na bo. Na nima ya fête yina, bampeve ya mbi yantikaka na kubenda ti kubalula bima ya kilo ya vandaka na nzo. Yandi monaka mpila ve. Yo yina yandi katulaka bampeve yina na nzo na yandi yonso na

zina ya Yesu Kristo. Na nima, yandi kudipesaka moyo na yandi ya mvimba na Kristo.

Kumona nkenda ve na ntima sambu na Satana keti bampeve ya mbi. Lukanu na bo ikele mosi kaka—nde nge kwenda na nzila na bo, kansi na nzila ya Nzambi ve. Mukristo mosi, mununi, vandaka na ngolo diaka ve, ata na nitu, ata na mabanza. Yandi songaka mono bima Satana vandaka na kusonga yandi. Mukristo yai vandaka na kuyindula kana yandi lenda “meka” nzila ya Satana. Mono songaka yandi nde Satana ikele Mukusi ya nene, ti mpila na kukwikila ata ndinga mosi na yandi ikele ve. Mono buyaka Satana na zina ya ngolo ya Yesu Kristo. Muntu yina tubaka nde, “Mono ke na kiese nde nge kwisaka mpimpa yai.” Yandi vandaka na ngemba na ntima. Bamposo tanu na nima, yandi fwaka, kaka na ngemba ya Nzambi.

KRISTO TI SATANA—BO IKELE KITESO MOSI VE

Kristo Ikele Nzambi ya Salaka Bima Yonso

Sambu bima yonso yina keke na zulu ti yina keke awa na insi-ntoto, yina ke monikaka ti yina ke moni-

kaka ve, bawanzio yina ke na kiye-ka ya mutindu na mutindu, Nzambi salaka yina yonso na lusadusu ya Kristo, mpe sambu na Kristo. —Kolose 1:16

Kristo Pesa Nsemo ti Ngemba

“Sambu na kutemusa bantu yina ke vandaka na mpimpa ti na boma ya lufwa, mpe sambu na kunata beto na nzila ya ngemba.”

—Luc 1:79

Bampeve ya Mbi ti Satana Kaka Kufwa Mambu ya Mbote

Muyibi ke kwisaka kaka sambu na kuyiba mpe sambu na kufwa bambisi ti bima. . . . —Jean 10:10

“... Sambu Satana me kwisa kukulumuka kuna na beno; yandi me dasuka, sambu yandi me zaba nde ntangu mingi ve me bika na yandi.” —Kusonga 12:12

Satana Pesa Mpimpa, Mpasi

... Mvwama yina mpe fwaka,

ebuna bantu kwendaka kuzika yandi. Yandi vandaka kumona mpasi mingi na insi ya bantu me fwaka. . . . —Luc 16:22, 23

Kristo Kele Kieleka

Ndinga kitukaka muntu. Yandi zingaka na kati na beto. Yandi vandaka muntu mpenza ya luzolo ya mbote ti ya kieleka. Beto monaka lukumu na Yandi, lukumu yina ya mwana yina kele mosi kaka ke bakaka na Tata na Yandi. . . . “Kana beno ke landa malongi na mono, ya kieleka, beno kele balonguki na Mono; beno ta zaba mambu yina kele ya kieleka, ibuna mambu yina ta katula beno na kimpika.”

—Jean 1:14; 8:31, 32

Kristo Ke Fuluka Na Luzolo

Mambu yai ke songaka beto kana luzolo kele inki: Kristo pesaka moyo na Yandi sambu na beto. Beto mpe fweti pesa moyo na beto sambu na bampangi na beto.

—1 Jean 3:16

Satana Kele Tata ya Luvunu

“Tata na beno kele Satana, mpe beno ke zolaka kusala mambu yina ya tata na beno ke zolaka. Katuka na luyantiku tii ntangu yai, yandi kele muntu ke fwaka bantu.

Yandi ke zingaka na mambu ya kieleka ve, sambu mambu ya kieleka kele na yandi ve. Ntangu yandi ke tubaka luvunu, luvunu yina ke katukaka na ntima na yandi, sambu yandi kele muntu ya luvunu mpe tata ya luvunu.” —Jean 8:44

Satana Benda Kumenga

“Kana bantu ya insi-ntoto yai kumenga beno, beno fweti zaba nde, bo mengaka Mono (Yesu) ntete.” —Jean 15:18

KRISTO TI SATANA—BO IKELE KITESO MOSI VE

Kristo Sukula Moyo Ya Muntu

Kansi kana beto ke zingaka na mwini mutindu Yandi mosi kele

na mwini, beto kele na kimvuka mosi na bantu ya nkaka, mpe menga ya Mwana na Yandi Yesu ke

katulaka masumu na beto yonso.
—1 Jean 1:7

Kristo Katula Masumu

Ntangu yai, sambu na menga ya Kristo, Nzambi me ndima beto; mpidina Kristo ta gulusa beto mpenza na ndola yina ya Nzambi ta pesa beto na makasi na Yandi.
—Rome 5:9

Kristo Pesa Moyo Mvu ya Mvu

“Kana bo zaba nge Nzambi mosi ya kieleka, ti Yesu Klisto, yina ya nge tindaka, yo ke songa nde, bo ke na moyo ya mvula na mvula.”
—Jean 17:3

Satana Podisa Moyo ya Muntu

Beno kudikusa ve, sambu bo ke sekaka Nzambi ve. Muntu ke ka-

tulaka bambuma yina ya yandi ke kunaka. Sambu muntu yina ke kunaka bambuma ya kimuntu, yandi ta katula bambuma ya lufwa
—Galatie 6:7, 8

Satana Benda Bantu Na Kusala Masumu

Muntu yina ke salaka kaka masumu, yandi kele muntu ya Satana, sambu katuka na luyantiku, Satana ke salaka masumu. . . .
—1 Jean 3:8

Satana Twadisa Bantu na Lufwa Mvu ya Mvu

“ . . . bambuma ya mbi kele bantu ya Muntu ya mbi. Mbeni yina kunaka matiti ya mbi kele Satana. . . . Mutindu bo ke tulaka ma-

titi ya mbi kisika mosi, mpe bo ke yoka yo na tiya, yo ta vanda muti-

ndu yina mpe na ntangu ya nsuka ya ntoto.” —Matthieu 13:38-40

SATANA TI LUYALU YA NTOTO YA MVIMBA

Yandi Kele Mfumu Ya Ntoto Ya Mvimba Kaka Ntangu Yai

“Mono (Yesu) ke tuba diaka na beno mingi ve, sambu mfumu ya insi-ntoto yai ke kwisa. Yandi lenda sala mono kima ve.”

—Jean 14:30

Satana Kele Mfumu ya Ntoto. Kana Mambu Ya Mbi Ikele, Tula Faute Na Zulu Na Yandi.

Mayele ya mutindu yina ke katukaka na zulu ve; yo kele mayele ya insi-ntoto ti ya bumbisi; yo ke katukaka na Satana. Sambu, kana

kimpala ti kimbeni kele, mambu ya kisakasaka ti mbi ya mutindu na mutindu mpe fweti vanda.

—Jacques 3:15, 16

Bu Satana lenda, yandi kufwa kimpwanza sambu na kusambila Kristo. Kansi, Yandi ke na mpila ve na kufwa luzolo ya ntima na nge sambu na Kristo.

Simba lukwikilu na nge!

Vanda Kwikama na Kristo, Tii na Lufwa

Ntangu bo vandaka kulosa Etienne matadi, yandi vandaka kusa-

mba nde: “Mfumu Yesu, baka moyo na mono.” Ibuna yandi fukamaka, mpe yandi tubaka na ndinga ya ngolo nde: “Mfumu, kutanga ve masumu yai ya bo me sala!” Ntangu yandi tubaka mambu yina imene, yandi fwaka.

—Bisalu 7:59, 60

Luyalu ya Kristo Na Zulu Ya

Ntoto Ya Mvimba

Kimfumu na Yandi ta yela, yo ta kwenda kaka na ntwala; yo ta vandaka kaka na ngemba tii kuna. Yandi ta yinga mfumu Davidi na kiti na yandi ya kimfumu, yandi ta yalaka bantu na nzila ya masonga ti ya kieleka katuka ntangu yai tii kuna. . . . —Esaie 9:7

ANTIKRISTO—YANDI TA YALA NTOTO YA MVIMBA

*Muntu ya Masumu na
Ngolo ya Satana*

Bampangi, sambu na Kilumbu yina ya Mfumu na beto Yesu Kristo ta kwisa kuvutuka, mpe sambu na kilumbu yina ya bantu yonso ta kutana kisika mosi ti Ya-

ndi, mono ke bondila beno nde: . . . Ata inki mutindu muntu lenda kukusa beno ve. Sambu Kilumbu yina lenda bwa ve kana bantu me buya Nzambi ntete ve na mbala ya nsuka, mpe kana Muntu ya Mbi me kwisa kubasika ntete ve,

yandi muntu yina ta vila kimakulu. Muntu ya Imbi yina ta vanda mbeni ya bima yonso ya bantu ke sambaka ti mbeni ya mambu yonso ya bantu ke banzaka nde yo kele ya Nzambi. Yandi ta tuba nde: “Mono muntu me luta mambu yina yonso.” Ibuna yandi ta kwenda kuvanda na kati ya inzo-Nzambi, mpe yandi ta tuba nde: “Mono mosi kele Nzambi.”

—2 Tesalonike 2:1, 3, 4

... Dragon (Satana) pesaka yan-

di ngolo na yandi, kiti na yandi ya kimfumu, ti kiyeka na yandi ya nene. . . . Yandi bakaka kiyeka sambu na kuyala bantu ya makanda yonso, ti ya bandinga yonso, ti ya bainsi yonso.

—Kusonga 13:2 ti 7

Bo yantikaka kusamba dragon, sambu yandi pesaka kiyeka na yandi na mbisi yina. Bo sambaka mpe mbisi yina nde: “Nani me fwanana na mbisi yai? Nani lenda nwana ti yandi?” —Kusonga 13:4

ANTIKRISTO TA Nwana TI BASANTU

Yandi ta finga Nzambi-Mpungu, yandi ta monisa bantu ya Nzambi

mpasi. Bansiku na bo ya bisambu ti bafete na bo yandi ta meka ku-

balula yo mutindu ya nkaka. Ibu-
na bantu ya Nzambi ta vanda na
maboko na yandi mvula tatu ti
ndambu. Kansi bazuzi ya zulu ta
yantika kusambisa makambu; bo
ta botula yandi kimfumu ti kufwa
yandi kimakulu. —Daniel 7:25, 26

... Yandi bakaka kiyeka ya ku-
sala mpidina bangonda makumi
iya na zole. Yandi yantikaka kutu-
ba mambu ya mbi sambu na Nza-
mbi, yandi yantikaka kusaula
zina na Yandi, kisika ya Yandi ke
vandaka, mpe bantu yina ke va-
ndaka na kati ya zulu. Bo pesaka
yandi inswa ya kunwana ti bakri-
sto, mpe ya kununga bo. Yandi

bakaka kiyeka sambu na kuyala
bantu ya makanda yonso, ti ya ba-
ndinga yonso, ti ya bainsi yonso.
Bantu yonso ya insi-ntoto ta sa-
mbaka yandi; disongidila nde, ba-
ntu yina ta sambaka yandi kele
bantu yina ya bo me sonika zina
na bo ve, katuka na ntangu ya
Nzambi salaka bima yonso, na
mukanda ya moyo ya Mwana-di-
meme yina ya bo fwaka. Konso
muntu yina ke na makutu, bika
yandi wa! —Kusonga 13:5-9

Nge fweti nwana ngolo sambu
na kuvanda na lukwikilu; simba
na maboko na nge moyo ya mvula
na mvula, sambu Nzambi solaka

nge na kuzaba moyo yina ntangu
nge tubaka mambu ya mbote sa-

mbu na lukwikilu na nge na meso
ya bantu mingi. —1 Timothée 6:12

SAMBILA KIFWANI YA ANTIKRISTO ATA FIOTI VE

*Ntwadisi Ya Nene Ya Dibundu
Yandi Ta Sadisa Antikristo na
Kukusa Ntoto Ya Mvimba.
Samba Yo To Kufwa!*

Yandi vandaka kukusa bantu
ya insi-ntoto na bimpa yina ya bo
pesaka yandi inswa na kusala na
meso ya mbisi yina ya ntete. Ya-
ndi vandaka kutuba na bantu ya
insi-ntoto nde bo sala kifwanisu
sambu na kupesa lukumu na mbi-
si yina ya bo lwadisaka na mbele
kansi yandi fwaka ve. Mbisi yai
ya zole bakaka kiyeka na kupesa
mupepe ya moyo na kifwanisu ya

mbisi yina ya ntete, sambu
kifwanisu yina kuyantika kutu-
ba, mpe yo kufwa bantu yina yo-
nso ta samba yandi ve. Bo kanga-
ka mbisi yina, ti mutubi ya luvu-
nu yina salaka bimpa na meso na
yandi. . . . Mbisi yina ti mutubi yi-
na ya luvunu bo losaka bo ya mo-
yo na kiziba ya nene ya tiya. . . .
—Kusonga 13:14, 15; 19:20

*Bantu Ya Nzambi Buya
Banzambi Ya Nkaka*

Kana Nzambi yina ya beto ke

sadilaka kuzola kugulusa beto na tiya ti na maboko na nge, yandi ta gulusa beto kaka. Kansi ata Yandi gulusa beto ve mfumu, zaba

nde beto ta samba nzambi na nge ve, beto ta fukama mpi ve na ntwala ya kiteki yina ya wolo ya nge tedimisaka. —Daniel 3:17-18

ANTIKRISTO: LEMVUKA TO KUFWA NA NZALA

Mbisi yai ya zole vandaka kusonga bantu yonso na ngolo, ata mbuta, ata leki, ata mvwama, ata nsukami, ata mpika, ata muntu yina kele mpika ve, nde bo fweti ndima nde bo tula bo kidimbu na diboko ya kibakala ti na ilungi na bo. Ata muntu mosi ve vandaka na mpila ya kusumba kima to kuteka kima kana yandi vandaka na kidimbu yina ve, disongidila nde, kidimbu yina kele na zina ya mbi-

si yina, to ntalu yina me fwanana na zina na yandi... Konso muntu yina ke na mayele ta mona mpila ya kubakisa lutendulu ya ntalu ya mbisi yina... Ntalu ya muntu yina kele nkama sambanu makumi sambanu na sambanu (666). —Kusonga 13:16-18

*Lumbu ya Kuluta Mbote Ta
Kwisa Sambu Na Bo Ya Me
Guluka*

... “Bo kele bantu yina ya bo

monisaka mpasi mingi Bo yobisaka bamvwela na bo, mpe bo kitulaka yo mpembe na menga ya Mwana-dimeme. Yo yina bo me telama na ntwala ya kiti ya kimfumu ya Nzambi, mpe bo ke sadilaka Nzambi mpimpa ti mwini na inzo na yandi. Muntu yina me vanda na kiti ya kimfumu ta keba bo. Bo ta waka diaka nzala ya ku-

dia ve mpe ya kunwa masa ve; bo ta monaka mpasi diaka ve na ntangu to na tiya. Sambu Mwana-dimeme yina kele na kati ya kiti ya kimfumu Yandi ta kebaka bo mutindu muntu ke kebaka mameme na yandi. . . . Ibuna Nzambi ta katula mansanga yonso yina kele na meso na bo.”

—Kusonga 7:14-17

NZAMBI TA SINGA BO YONSO YA SAMBILA MBENI YA KRISTO (ANTIKRISTO), TO BAKA KIDIMBU NA YANDI NA ZULU YA NITU NA BO, NA MPILA NDE BO LENDA SUMBA KETI TEKA BIMA

Wanzio ya tatu kwisaka kulannda bawanzio yina zole kwisaka

ntete, yandi tubaka na ndinga ya ngolo nde: “Kana muntu kusa-

mba mbisi yina ti kifwanisu na yandi, mpe kana yandi baka kidimbu yina na ilungi na yandi to na diboko na yandi, yandi mosi ta nwa vinu ya makasi ya Nzambi, vinu yina ke na masa ve, yina ya Nzambi tulaka na dikopa ya makasi na Yandi! Bantu yina yonso ke salaka mpidina bo ta monaka mpasi na tiya ti na sufre, na meso ya bawanzio ya Nzambi ti ya Mwana-dimeme.

Midinga ya tiya yina ke pesaka bo mpasi yo ke tombukaka na zulu mvula na mvula. Bantu yina sambaka mbisi yina ti kifwanisu na yandi, mpe konso muntu yina bakaka kidimbu ya zina na yandi,

bo ta mona mpila ve ya kupema mpimpa ti mwini.”

Yo yina bakristo yina ke landaka bansiku ya Nzambi, mpe ke tulaka ntima na Yesu, bo fweti kanga ntima.

Ebuna mono waka ndinga katukaka na zulu ke tubila mono nde: “Sonika mambu yai: Kiese na bantu yina ke fwa na kisalu ya Mfumu Yesu yantika ntangu yai!” Mpeve nde: “E, mambu yina kele ya kieleka. Bo ta mona mpila ya kupema na bisalu na bo ya ngolo sambu mambu yina ya mbote ya bo salaka ke landa bo.”

—Kusonga 14:9-13

KUNUNGA NA ZULU YA KIDIMBU YA SATANA TA VANDA NA NTWALA MAKASI YA NZAMBI KUBWA NA ZULU YA NTOTO YAI

... Mono monaka bawanzio nsambwadi me simba bampasi nsambwadi. Bampasi yina kele bampasi ya nsuka, sambu bampasi yina ke songa makasi ya nsuka ya Nzambi. Ibuna mono monaka kima mosi bonso masa ya nene yina vandaka kumonika bonso matalatala; yo me vukana na tiya; mono monaka mpe bantu yina nungaka mbisi yina, kifwanisu na yandi, ti ntalu yina ke songa zina na yandi. Bo vandaka me telama na zulu ya masa yina ya nene vandaka kumonika bonso matalatala. Ibuna bo

vandaka me simba bagitare yina ya Nzambi pesaka bo. Bo vandaka kuyimba nkunga ya Moïse yina kele muntu ya Nzambi, ti nkunga ya Mwana-dimeme: “Nzambi-Mpungu, bisalu na Nge kele ya nene ti ya kuyituka! Nge Mfumu ya nene ya bainsi yonso, mambu yina ya Nge ke kanaka kele ya mbote ti ya kieleka!” Ntangu yai, mono waka ndinga mosi ya ngolo ke katuka na inzo-Nzambi, yo ke tubila bawanzio nsambwadi nde: “Makasi ya Nzambi yina kele na babol

nsambwadi, beno kwenda kulosa
yo na ntoto!” —Kusonga 15:1-3; 16:1

(Kusonga 16-18: bampasi nsambwadi ti
nsuka na yo.)

ARMAGEDON: KRISTO TA MANISA MVITA YAI

Bampeve Ya Mbi Vukisa Bainsi Sambu Na Kunwana

Bampeve yina ya mbi ke salaka
bimpa. Bampeve yina tatu ke
kwendaka na bamfumu ya nene
ya ntoto ya mvimba na mpila nde
bo kutula bo kisika mosi sambu
na kunwana bitumba ya kilumbu
ya nene ya Nzambi-Mpungu. . . .
Bampeve yina tulaka bamfumu
ya nene na kisika yina ya bo ke bi-
ngaka na hébreu nde: “Armage-
don”. —Kusonga 16:14 ti 16

Kristo Vulusa Nsi ti Bantu Na

Yandi, Israël

Mono ta kumisa Yeruzalemi bo-
nso dikopa ya vinu. . . Na kilu-
mbu yina mono ta kumisa Yeruza-
lemi bonso ditadi mosi ya kilo, ko-
nso bantu yina ta meka kunangu-
la yo bo ta lwala. Bantu yonso ya
nsi-ntoto ta vukana na kunwanisa
Yeruzalemi. . . Ibuna Mfumu Nza-
mbi ta kwenda kunwanisa bantu
yango mutindu yandi vandaka ku-
nwanisa bo ntete. . . Mfumu Nza-
mbi ta tinda maladi ya ngolo na
bantu yonso yina nwanaka bitu-
mba ti Yeruzalemi. Misuni ta pola

ntangu bo ta vanda ya kutelama,
meso na bo ti baludimi na bo yo
mpi ta pola. —Zac. 12:2, 3; 14:3, 12

... Kana Nzambi kele ti beto, nani
lenda kwisa kunwanisa beto?

—Rome 8:31

KRISTO KELE MFUMU YA NSUKA YA NTOTO YA MVIMBA

Mbele mosi ya makasi basikaka
na munoko na Yandi; Yandi ta bu-
la bantu ya bainsi yonso mbele yi-
na. Yandi ta fwa bo na inti ya ki-
bende, ibuna Yandi ta kamuna ba-
mbuma na kima yina ya bo ke ka-
munaka bambuma ya vinu, kima
yina kele makasi ya ngolo ya Nza-
mbi-Mpungu. Na zulu ya mvwela
na Yandi ti ya dikulu na Yandi bo
sonikaka zina yai: “Mfumumu ya ba-
mfumu yonso”. —Kusonga 19:15, 16

*Antikristo Ta Yala Ndambu Ya
Bamvula. Ibuna Kristo Ta Yala
Awa Na Insi-Ntoto Sambu Na
Bamvula Funda Mosi, Ibuna
Yandi Ta Yala Mvu Ya Mvu.*

... bo ta vanda banganga-Nza-
mbi sambu na kusadila Nzambi ti
Kristo, bo ta yalaka na kimvuka ti
Kristo mvula mille mosi.

—Kusonga 20:6

Kansi ntangu ya bamfumumu yina

ta yala, Nzambi ya zulu ta tula
Mfumu mosi yina ta yalaka tii ku-
na; Mfumu yina bambumu ya
nkaka ta bedisaka Yandi ve. . . .

—Daniel 2:44

Bantu yonso ya Nge salaka ta
kwisa kufukama na ntwala na
Nge mpi bo ta kupesa Nge
lukumu, Mfumu Nzambi na beto.

—Psaumes 86:9

SATANA TA NUNGA VE NA MVITA NA YANDI TI NZAMBI

Ntangu yai, bitumba bwaka na
kati ya zulu. Michel ti bawanzio
na yandi bo nwanaka ti dragon;
dragon ti bawanzio na yandi bo
nwanaka ti bo mpe. . . . Dragon yi-
na ya nene, bo losaka yandi na
nganda. Yandi kele nioka yina ya
ntama, ya bo ke bingaka Satana;
yandi muntu ke kusaka bantu yo-
nso. Bo losaka yandi ti bawanzio

na yandi na ntoto. Ibuna mono
waka ndinga mosi ya ngolo na ka-
ti ya zulu ke tuba nde: “Ntangu
yai Nzambi na beto me gulusa be
to! Ntangu yai Nzambi me songa
ngolo na Yandi bonso mfumu ya
nene! Ntangu yai Mesia na Yandi
me songa kiyeka na yandi! Sambu
mpimpa ti mwini muntu yina ke
vandaka na meso ya Nzambi na

beto sambu na kufunda bampangi na beto, bo me kula yandi na zulu.”
—Kusonga 12:7-10

***Inki Mutindu Bo Ta
Nwana ti Nunga***

Bampangi na beto me nunga yandi sambu na menga ya Mwana-dimeme, mpe sambu na mambu ya kieleka ya bo vandaka kuzabisa bantu; bo ndimaka na kufwa.
—Kusonga 12:11

Nsuka Ya Satana Mvu ya Mvu

... tiya katukaka na zulu, yo kwisaka kufwa bantu yina. Ibuna Satana yina vandaka kukusa bo, bo losaka yandi na kiziba ya nene ya tiya ti ya sufre, kuna na kisika ya bo losaka ntete mbisi yina ti mutubi yina ya luvunu; bo ta monisaka bo mpasi kuna mpimpa ti mwini, mvula na mvula.
—Kusonga 20:9, 10

KIMFUMU MVU YA MVU IKELE NA NANI?

Lucifer vandaka na mpila na kulemvuka na kiese ya zulu mvu ya mvu, kansi yandi sosaka na kuyala Kimfumu ya Nzambi bonso Nzambi kibeni.

***Mfumu Kristo Ta Yala
Mvu Ya Mvu***

Nge kele nene ti ngolo; lukumu ti kimfumu kele ya Nge. Bima yo-

nso na zulu ti awa na ntoto keke na maboko na Nge. Nge keke, Mfumu ya nene, Mfumu ya bantu yonso.

—1 Chroniques 29:11

Kansi Nzambi ke tedimisaka bantu, konso muntu na ndonga na yandi: ntete Yandi tedimisaka Kristo, ibuna, ntangu Kristo ta kwisa kuvutuka, yandi ta tedimisa bakristo. Ibuna na nima, nsuka ya mambu yonso ta kwisa ntangu Kristo ta sukisa bawanzio yonso yina ke na kiyeka ya mutindu na mutindu, mpe ntangu yandi ta pesa Kimfumu na Tata Nzambi. Sambu Kristo fweti yala tii kuna ya

Nzambi ta tula bambeni yonso na insi ya makulu ya Kristo sambu Yandi niata bo. Lufwa keke mbeni ya nsuka ya Yandi ta fwa.

—1 Korinte 15:23-26

Ntangu yai, wanzio ya nsambwadi bulaka mpungi. Bo waka ndinga ya ngolo ke tuba na zulu nde: “Ntangu yai, kiyeka ya kuyala insi-ntoto yo keke na maboko ya Mfumu na beto Nzambi ti na maboko ya Mesia na Yandi, ibuna Yandi ta yalaka mvula na mvula!”

—Kusonga 11:15

Ibuna Yandi tubaka nde: “Momo ke tubila beno mambu ya kiele-

ka: kana beno soba bikalulu ve,
mpe kana beno kituka bonso bana

ve, beno ta kota ata fioti ve na Ki-
mfumu ya Nzambi. —Matthieu 18:3

SATANA TI BAMPEVE YA MBI, BO KELE BAMBENI NA NGE

*Satana Podisa Nitu Ti Moyo Na
Bampila Yai: Kugangama na
nitu babakala zole to bankento
zole, kufwa bana na ntwala bo
me butama, kifuluka na
bampeve ya mbi.*

Mutindu mosi na babakala, . . .
ntima na bo me fulukaka na nzala
ya kulala bo na bo babakala. . .
Yo yina Nzambi ke pesaka bo ndo-
la na nitu na bo sambu na mambu
na bo ya mbi. —Rome 1:27

Mambu ya Mfumu Nzambi ke

zolaka ve ata fioti ya nkaka yo
yai: maboko yina ke fwaka bantu
me sala mbi ve. —Proverbes 6:16, 17

“Ntangu yai yandi ta kwenda
kubaka bampeve ya nkaka diaka
nsambwadi kuluta yandi na mbi;
bampeve yina ta kwisa kukota na
i nzo yina, ibuna yo ta zinga mu-
na. Mpidina, na nsuka ya mambu
yai, luzingu ya muntu yai ta
kwisa mbi mpenza kuluta muti-
ndu yo va-ndaka ntete. . . .”

—Matthieu 12:45

Sosa Nzambi ya Moyo kaka. Sosa ve na “nzambi ya nkaka” sambu na kuzaba inki ta kwisa, sambu na kubeluka na maladi, to sambu na kuzaba nge fweti sala inki.

Satana, mbeni ya Nzambi, me benda yai yonso. Yina yandi sala lenda monika ntete bonso bimpa, bonso mambu

ya lenda sadisa.

Kansi, yo kotisa muntu na kimpika ya Satana, kimpika mosi ya mpasi. Kaka Kristo lenda katula nge na kimpika yina.

Kudipesa na mpeve ya nkaka ata fioti ve, kansi kaka na Mpeve ya Nzambi. Kwikila Bible kaka, ti Mfumu Yesu Kristo. *(Tala Kusonga 19:13.)*

BANTU MINGI TA KWISA TI KUSA BANTU MINGI

Konso Malongi Ya Benda Bantu Na Kubika Nzila Ya Fioti Ya Nzambi, Yo Kele Kieleka Ve. Nzila Ya Kieleka Kele Nzila ya Ndolula, Kusukula, ti Mpulusu, Na Menga Ti Na Muntu Ya Kristo.

Yesu nde: “Beno keba mbote, kana ve, bantu ya nkaka ta kusa

beno. Bantu mingi ta bakaka zina na Mono nde: ‘Mono kele Mesia!’ Ibuna bo ta kusa bantu mingi... Bantu mingi ke tubaka mambu ya luvunu na zina ya Nzambi, bo ta kwisa kubasika; bo ta kusa bantu mingi.”

—Matthieu 24:4, 5 ti 11

Mono vandaka kutubila beno mbala mingi, ibuna ntangu yai mono ke tubila beno diaka na mawa yonso nde: bantu mingi kele bambeni ya lufwa yina ya Klisto fwaka na zulu ya kulunsi sambu na luzingu yina ya mbi ya bo ke zingaka. Bo ta kwenda na bilungi, sambu Nzambi na bo kele divumu na bo. . . .

—Filipe 3:18, 19

Lolula Ti Baka Ndolula

“Sambu, bantu ya nkaka yina me salaka beno imbi, kana beno ke bikisila bo, Tata na beno yina kele na zulu mpe ta bikisila beno.”

—Matthieu 6:14

Menga Ya Ntalu Ya Kristo Gulusa Beto

Sambu beno zaba inki Nzambi futaka sambu na kukatula beno na luzingu ya mpamba-mpamba yina ya bambuta na beno ya ntama bikisilaka beno. Yandi futaka ve ki-ma yina ya ntalu na yo ke kulumukaka, bonso argent to or: kansi ki-ma katulaka beno kele makabu ya kuluta ntalu ya menga ya Kristo, yina vandaka bonso mwana-dime-me mosi ya kukonda kifu mpe ya kukonda ba-tache. Sambu na Kristo beno ke kwikilaka mambu ya Nzambi, Nzambi yina tedimisaka Kristo na lufwa, mpe pesaka Yandi lukumu; yo yina beno ke na

lukwikilu, mpe beno ke tula ntima na Nzambi. —1 Pierre 1:18, 19 ti 21

A, MONO KELE MUNTU YA MAWA!

Nsiku Ya Masumu Ke Yala

Beto yonso beto kele bonso bantu ya mvindu, ata mambu ya mbote ya beto ke salaka yo kele kaka bonso bilele ya mvindu

—Esaïe 64:6

Makasi Ya Nzambi Na Zulu Ya Mpeve Ya Kulemvuka Ve

Na ntangu yina beno vandaka kulanda luzingu ya mbi ya insintoto yai; beno vandaka kulemvuka na mfumu yina ke yalaka bampeve yina kele na mupepe, mfumu yina kele mpeve yina ke yalaka ntangu yai bantu yina ke le-

mvukaka na Nzambi ve. Beto yonso mpe, beto vandaka kuzinga mpidina. Na luzingu na beto, beto vandaka kulanda luzolo na beto ya kimuntu; beto vandaka kusala konso mambu yina ya nitu na beto ti mabanza na beto vandaka kuzola. Sambu na kimuntu na beto, Nzambi vandaka kuwila beto makasi mutindu Yandi vandaka kuwila bantu ya nkaka makasi.

—Efeze 2:2, 3

Satana Yala Bo Ya Me Kugulu kaka Ve

Kana Nsangu ya Mbote ya beto

ke longa kele ya kubumbana, yo me bumbanaka kaka sambu na bantu yina ke vila. Bo ke kwikilaka ve sambu nzambi ya ntangu yai me fwaka mayele na bo. Yandi ke kangaka bo nzila na kutala mwinda ya Nsangu ya Mbote; yo kele Nsangu ya lukumu ya Kristo

yina kele bonso Nzambi mpenza.
—2 Korinte 4:3, 4

***Kununga Ikele Na Kati Ya
Kristo***

Kansi ntangu yai bantu yina ke zingaka na kimvuka ti Kristo Yesu bo ta baka ndola ve.
—Rome 8:1

**BANTU YA ME GULUKA VE, BO IKELE BANTU
YA SATANA**

“Bilanga kele ntoto ya mvimba; bambuma ya mbote kele bantu ya Kimfumu ya Nzambi; bambuma ya mbi kele bantu ya Muntu ya mbi.”
—Matthieu 13:38

“Tata na beno kele Satana, mpe

beno ke zolaka kusala mambu yina ya tata na beno ke zolaka. . . .”
—Jean 8:44

***Na Kati Ya Mbuta Na Beto Ya
Ntete Adam, Beto Me Buya
Nzambi***

“Muntu yina kele nduku na Mono ve, yandi kele mbeni na Mono; muntu yina ke sadisaka Mono ve na kuvukisa bantu ya nkaka na dikabu na Mono, yandi ke panzaka bo.”
—Matthieu 12:30

Yo Yina, Beto Fweti Butama Ya Mpa Na Kimpeve

Kana muntu kele na kimvuka ti Kristo, yandi me kuma muntu mosi ya mpa: mambu na yandi ya ntama me mana, mambu ya mpa me kwisa kuyinga na yandi.
—2 Korinte 5:17

“Mameme na Mono ke waka ndinga na Mono; Mono zaba bo, mpe

bo ke landaka Mono. Mono ke pesaka bo moyo ya mvula na mvula”
—Jean 10:27, 28

Kudipesa na Mfumu Yesu Sesepiyai

Sambu Nzambi ke tuba nde: “Mono wilaka nge na ntangu mosi ya mbote, Mono sadisaka nge na kilumbu yina ya Mono gulusaka nge.” Ibuna, tala ntangu ya mbote yo yai —2 Korinte 6:2

Kansi, kana beto ndima masumu na beto, beto lenda tula ntima nde, Nzambi ta sala beto mambu ya mbote; Yandi ta bikisila beto, mpe Yandi ta sukula beto sambu na kukatula mambu na beto yonso ya mbi.
—1 Jean 1:9

KUNUNGA MVU YA MVU MU KRISTO

Nani lenda kabula beto na luzolo yina ya Kristo ke zolaka beto? Ata muntu mosi ve. Keti mawa, to mpasi yina ya beto ke mona na ntima, to mpasi yina ya bantu ya nkaka ke monisa beto, to nzala, to kinsukami, to kigonsa, to lufwa, yo lenda kabula beto na luzolo na Yandi? Ve. . . Kansi, na mambu yina yonso, beto ke nungaka mpenza sambu na lusadusu ya Muntu yina me zolaka beto.

—Rome 8:35 ti 37

Sambu konso mwana ya Nzambi ke na ngolo na kununga mambu ya mbi yina kele awa na insi-

ntoto. Na lukwikilu na beto kaka beto ke nungaka mambu ya mbi kele awa na insi-ntoto. —1 Jean 5:4

Yandi Pesa Matabisi Na Bo Yonso Ya Nunga

“Konso muntu yina ke na makutu, bika yandi wa mambu yai ya Mpeve ya Nzambi ke tuba na Mabundu! Na bantu yina ta nunga, mono ta pesa bo madia yai mana ya Nzambi me bumbaka. Na konso muntu na kati na bo mono ta pesa yandi ditadi ya mpebe. Mono me sonika zina ya mpa na konso ditadi; ata muntu mosi kuzaba zina yina ve, muntu ta za-

ba yo kaka muntu yina ta baka yo.” —Kusonga 2:17

“ ‘Na bantu yina ta nunga, mpe ta landaka kaka na kusala mambu yina ya mono ke zolaka tii na nsuka, mono ta pesa bo kiyeka yina ya mono mosi bakaka na Tata na mono: mono ta pesa bo kiyeka ya kuyala bantu ya bainsi yonso; bo ta yala bo ti fimbu ya kibende na

maboko, bo ta pasula bo mutindu bo ke pasulaka mabungu ya nto-to. Mono ta pesa bo mpe mbwete-te ya suka.’ ” —Kusonga 2:26-28

Sambu beto lenda tuba ve nde beto lunga kusala kisalu yai na ngolo na beto mosi. Kansi ngolo yina ya beto ke salaka kisalu yai yo ke katukaka na Nzambi.

—2 Korinte 3:5

PONA—NGE TA SADILA NANI MVU YA MVU?

Monika ti Kristo Na Lukumu Na Yandi

Nzambi me tedimisaka beno na lufwa ti Kristo. Yo yina beno fwe-ti sosa mambu yina kele na zulu.

Kristo kele kuna ya kuvanda na diboko ya kibakala ya Nzambi. Beno tula mabanza na beno na mambu yina kele na zulu, kansi na mambu yai kele awa na insi-ntoto ve.

Moyo na beno mpenza kele Kristo; ibuna, kana Yandi kwisa kumonika, beno ta monika ti Yandi, mpe beno ta baka ndambu ya lukumu na lukumu na Yandi. Benno katula mambu na beno yonso ya kimuntu, mumbandu: pite, bamambu ya nsoni, nzala ya kusala mambu ya nsoni, luzolo ya imbi, ti nzala ya kuvanda na konso kima yina (disongidila nde kusamba biteki). Bantu yina ke wilaka Nzambi ve, yandi ta wila bo makasi sambu na mambu ya mutindu yina.

—Kolose 3:1, 2, 4-6

*To—Baka Mafunda Ya Nzambi
Sikamosi Ti Satana Mvu ya Mvu*

“Ntangu yai, Mfumu ta tubila bayina ta vanda na diboko na Yandi ya kinkento nde: ‘Bena bantu ya Nzambi me singa, beno katuka awa na meso na mono! Bena kwenda na tiya ya mvula na mvula ya Nzambi me yidikaka sambu na Satana ti bawanzio na yandi!’ ”

—Matthieu 25:41

Bantu ya mbi ta kwenda na bilungi, ti bantu yonso ya vila Nzambi.

—Psaumes 9:17

“Kana diboko na nge ke benda nge na kusala masumu, zenga yo. Kuluta mbote nge na kuvanda na diboko mosi mpamba, ibuna nge baka moyo ya kieleka; kansi ke

mbote ve nge na kuvanda na maboko zole, ibuna nge kwenda na

bilungi, kuna ke na tiya ke manaka ve.” —Marc 9:43

KIMFUMU YA ZULU KELE SAMBU NA NGE

Kudikulumusa

Yesu bingaka mwana mosi, Yandi tulaka yandi na ntwala na bo, ibuna Yandi tubaka nde: “Mono ke tubila beno mambu ya kieleka: kana beno soba bikalulu ve, mpe kana beno kituka bonso bana ve, beno ta kota ata fioti ve na Kimfumu ya Nzambi. Konso muntu yina ta kudikulumuna na kuvanda bonso mwana yai, yandi muntu me luta nene na Kimfumu ya Nzambi.” —Matthieu 18:2-4

Pindula Mabanza Sambu Na Masumu

Yo yina, Jean kwendaka kumonika na kati ya nseke. Yandi vandaka kubotika bantu, mpe yandi vandaka kulonga bo nde: “Sambu na masumu na beno, beno balula ntima, beno botama, ibuna Nzambi ta bikisila beno.” . . . Bo tulaka Jean na boloko, ibuna Yesu kwendaka na ntoto ya Galilée. Yandi vandaka kwenda kulonga Nsangu ya Mbote ya Nzambi nde: “Ntangu me lunga. Kimfumu ya Nzambi me kuma penepene. Benobalula ntima. Beno kwikila Nsangu ya Mbote.” —Marc 1:4 ti 14, 15

“Ve! Kansi mono ke tubila beno nde, kana beno balula ntima ve, beno yonso ta fwa mutindu mosi bonso bo.” —Luc 13:3

Yo yina beno balula ntima, beno vutuka na Mfumu Nzambi sambu yandi kukatula masumu na beno. —Bisalu 3:19

“Mutindu mosi mpe, mono ke tubila beno nde, bawanzio ya Nzambi ta mona kiese sambu na muntu mosi ya masumu yina me balula ntima.” —Luc 15:10

(Landa mambu yai na dititi ke kwisa.)

YAMBA KRISTO BONSO MVULUSI NA NGE BUBUYAI!

Kudipesa Na Yesu Kristo

Kudipesa na Mfumu Nzambi, tula Yandi ntima, ibuna Yandi ta sadisa nge. —Psaumes 37:5

“Sambu Nzambi me lutuka kuzola bantu yonso; yo yina Yandi pesaka bo mwana mosi yina kele na Yandi, sambu konso muntu yi-

na me ndima Yandi na ntima na yandi, yandi kufwa ve, kansi yandi kuvanda na moyo ya mvula na mvula.” —Jean 3:16

Bo nde: “Tula ntima na Mfumu Yesu, ibuna nge ta guluka, nge ti bantu kele na inzo na nge.” —Bisalu 16:31

Nzambi Pesa Ngolo Na Kukituka Bana Na Yandi

Kansi bantu ya nkaka yambaka yandi, mpe bo ndimaka yandi na ntima na bo. Ebuna yandi pesaka bo ngolo na kukituka bana ya Nzambi. . . . “Mono ke bikila beno ngemba, ngemba ya Mono ke pesa beno kele ya Mono mosi. Mono ke pesa beno yo ve mutindu bantu ya insi-ntoto yai ke pesaka. Beno vanda ntima na zulu ve, beno wa bo-ma ve.” —Jean 1:12; 14:27

Ndima Kristo Na Meso Ya Bantu

Kana nge ke ndimaka na munoko na nge na meso ya bantu yonso nde: “Yesu kele Mfumu”, mpe ka-

na nge ke kwikilaka na kati ya ntima na nge nde Nzambi tedimiska Yandi na lufwa, nge ta guluka. Sambu Nzambi ke ndimaka bantu yina ke kwikilaka nde Yandi tedimiska Yesu na lufwa, mpe Yandi ke gulusaka bantu yina ke ndimaka na meso ya bantu yonso nde Yesu kele Mfumu. Sambu Mukanda ya Nzambi ke tuba nde: “Konso muntu yina ke tulaka ntima na Mfumu, Mfumu ta monisa yandi nsoni ve.” —Rome 10:9-11

“Mono ke tubila beno nde: konso muntu yina ta ndima mono na meso ya bantu, Mwana-muntu mpe ta ndima yandi na meso ya bawanzio ya Nzambi.” —Luc 12:8

YAMBA KRISTO BONSO MVULUSI NA NGE BUBUYAI!

Kudipesa Na Yesu Kristo

“Sambu Nzambi me lutuka kuzola bantu yonso; yo yina Yandi pesaka bo mwana mosi yina kele na Yandi, sambu konso muntu yina me ndima Yandi na ntima na yandi, yandi kufwa ve, kansi yandi kuvanda na moyo ya mvula na mvula.”
—Jean 3:16

... “Tula ntima na Mfumu Yesu, ebuna nge ta guluka, nge ti bantu kele na inzo na nge.”
—Bisalu 16:31

Nzambi Pesa Ngolo Na Kukituka Bana Na Yandi

Kansi bantu ya nkaka yambaka Yandi, mpe bo ndimaka Yandi na

ntima na bo. Ebuna Yandi pesaka bo ngolo na kukituka bana ya Nzambi.
—Jean 1:12

Ndimaka Kristo Na Meso Ya Bantu

Kana nge ke ndimaka na munoko na nge na meso ya bantu yonso nde: “Yesu kele Mfumu”, mpe kana nge ke kwikilaka na kati ya ntima na nge nde Nzambi tedimisaka Yandi na lufwa, nge ta guluka. Sambu Nzambi ke ndimaka bantu yina ke kwikilaka nde Yandi tedimisaka Yesu na lufwa, mpe Yandi ke gulusaka bantu yina ke ndimaka na meso ya bantu yonso nde Yesu kele Mfumu. —Rome 10:9, 10

Text reprinted from the Bible in Kituba by permission of United Bible Societies Africa Regional Centre, Nairobi, Kenya.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org